

Amat Jutrah kekal terajui Kekaumas

UMS UM

26/12/12 26

KOTA KINABALU 25 Dis. - Kakitangan Bahagian Pembangunan dan Penyelenggaraan, Amat Jutrah Musnih mengekalkan jawatan Presiden Kesatuan Kakitangan Am Universiti Malaysia Sabah (Kekau-
mas) Sesi 2013-2015.

UMS dalam kenyataan akhbar kelmarin, memberitahu, keputusan itu dimaklumkan dalam Mesyuarat Agung Luar Biasa Kali ke-4 2012 kesatuan itu di Dewan Bankuasi UMS, di sini baru-baru ini.

Beliau yang menerajui Kekaumas sejak 1998 memperoleh 119 undi, menewaskan dua lagi calon iaitu Abd. Ghani Amat dan Jumardie Lukman yang kedua-duanya mendapat 17 undi.

Kakitangan Jabatan Pendaftar, Abd. Jalil Sapli pula memenangi jawatan Timbalan Presiden selepas menewaskan tiga lagi calon iaitu Jumardie Lukman (44 undi), Mus Mulyadi Matlin (23) dan Abd. Ghani Amat (17).

Abd. Jalil yang turut dicalonkan jawatan Setiausaha bagaimanapun ditewaskan oleh Salmah Terif, kakitangan Sekolah Perniagaan dan Ekonomi (SPE) yang mendapat 88 undi manakala Abd. Jalil 60 undi.

Seorang lagi kakitangan SPE, Amah Sanudin memperoleh 132 undi mengalahkan Rydwam Baharud-zaman bagi jawatan Penolong Setiausaha yang mendapat 21 undi.

Jawatan Bendahari dan Penolong Bendahari masing-masing dimenangi tanpa bertanding oleh dua kakitangan Jabatan Bendahari iaitu Maslan Ali Hussin dan Mohd. Hyai-zrul Mohd. Yassin.

Sementara itu, 11 orang dipilih sebagai Ahli Jawatankuasa (AJK) iaitu Binik Majuril dengan 155 undi, Abdul Samat Lawi (143), Dandan Maslleh (122), Harun Tambiri (116), Zainah Ahmad (114), Saidin Marjan (103), Nor Hana Nordin (103), Mohd. Faizal Marjus (98) Lassim Jane @ Jani (84), Jumardie Lukman (79) dan Julius Sokodor (76).